

maria, quæ est Edinburgum. die dicto, in palatio Regis ad Monasterium Sanctæ Crucis congregant, nobiles togis purpureis, pellibus armelinis, alii pluribus, alii paucioribus, secundum dignitatem illorum duplicatis induti. Barones minores & civium deputati pallia sua habent ex panne. In area ejusdem palatii, primo ut & postremo die, equos adscendunt & per paria incedunt. primi Burgenfes, hos quatuor sequuntur Ostiarii ex Sessione, in equis. Tunc Barones minores, duo Ostiarii ex Consilio, itidem in equis. hos rursus Barones majores, Comites, Marchiones, Duces. postremo Rex, post Regem Magister Equitum regium equum ducit, quem militum custodia sequitur: eo ordine ad urbem progrediuntur. In urbe vero strata arena platea, propter acclivitatem ascensus. ab utroque latere stant stalfarii, sclopetarii, alique milites, ad custodiam, à porta ad usque palatium Parlamenti, quod à meridionali parte est Ecclesiæ S. Ægidii.

Thesaurarius & Cancellarius suo quisque loco inter nobiles equitat, suffragia non habent. Arcentur jam etiam à Parlamento reliqui Regis Officarii, ut & Director Cancellariæ; quanquam olim & suffragia in Parliamentis habuerint.

Iustitarius quandoque revocatur, ubi res exigit, suffragium tamen non habet.

CONSILIUM SECRETUM.

*Secretum
Consilium.*

Secundum est Secretum Consilium, quod quidem certo personarum numero non constat, sunt enim circiter triginta, nobiles omnes, interque illos pauci Barones minores. Quamvis autem tot numero sint, septem nihilominus præsentibus de omnibus causis cognoscere possunt. Circabantur olim à Rege solo per litteram ad reliquos Consilii Dominos missam, submovebat etiam quos & quando volebat Rex. Postremo vero Parlamento cautum est, ut eligerentur cum consensu Parlamenti, uti & Domini Sessionis & Scaccarii. Salarium constitutum non habent. conveniunt singulis diebus Martis & Jovis post meridiem, Sessionis tempore; Feriarum vero, non nisi semel totis xxiv diebus. Præses est Cancellarius, uti in omnibus judiciis ubi est præsens.

In hoc Consilio Secreto quisque suam causam dicit, raro, imo numquam admittuntur Advocati.

Tractant de publicis Regni rebus, pace nimium, bello, & aliis, item de injuriis illatis &c. In turbas, clandestina Consilia, animadvertunt; pro cædibus, sagis &c. dant Commissiones ad alios judices. Si vero majoris ponderis quædam sint, ad Parlamenti congregationem ea differunt, eidemque deferunt. Sic ut non à vero aberret, qui hos, Deputatos Parlamenti

judicaverit; Omnia enim minora apud hos, majora in Parlamento peraguntur.

COLLEGIUM IUSTITIÆ,

vulgo

THE SESSION.

Tertium Collegium est Iustitia, five ut vocant, *Iustitia*
The Session, quod Rex Iacobus V anno MD *Collegium*
xxxii. instituit, ad formam Parlamenti Pari- *vulgo*
fienfis, ex Præsede & quatuordecim Senatori- *The Session.*
bus, quibus postea adjuncti fuerunt alii Sena- *Senatores.*
tores quatuor extraordinarii ex Secreto Con-
silio. Tres hic sunt Scribæ *The Clerks of the Session*, *Scribe.*
à quibus omnia acta Dominorum scribuntur.

Coram hoc collegio omnes civiles res totius Regni aguntur à 1 Junii ad 1 Augusti, & à 1 Novemb. ad ultimum Martii. Temporibus interjectis, scilicet quæ sunt ferendi & metendi, iustitium est & judiciariæ curæ relaxantur; Iudicant vero ex statutis Regni Parlamentiariis, aut ex longa praxi, & ubi illa deficiunt, ex jure Cæsareo: jus autem non secundum rigorem juris, sed ex æquo & bono dicunt diebus singulis, præterquam diebus Dominico & Lunæ.

Regiæ causæ (& nullæ aliæ) aguntur singulis *Causæ Re-*
diebus Veneris, quarum catalogus ab Advo- *giæ.*
cato Regio traduntur Cancellario. ab his non datur appellatio nisi ad Parlamentum, quod 100 annis vix accidit; nam si quis in Parlamento rursus causa cadat, magnum ei imminet periculum. exemplum est in Barone *Forbiss* de Corfinda, qui ob hanc causam Edinburgi in carcerem conjectus ibidem post duodecim annos mortuus est.

Omnes hi Senatores manent pro vita, vel ad *Senatores;*
culpam. quod & statutum de extraordinariis, per postremi Parlamenti actum, qui antea pro Regis libitu mutabantur. Ut autem valida sint eorum decreta aut sententiæ, opus est ut novem præsentibus fuerint.

Præses Sessionis per postremi Parlamenti *Præses*
actum eligitur prima cujusque Sessionis die *Sessionis.*
qui primus est actus. Nunc manet ille præses pro ista Sessione tantum, qui antea ad vitam. Potestatem habet solus absente Cancellario causas quas velit introducere.

In hoc Consilio primum audiuntur advocati utriusque partis, & ab amanuensis omnia in notis capiuntur & scribuntur; postea, exire iis jussis, clausis foribus disputatur inter Dominos Sessionis, Cancellario eos rogante sine ullo ordine; ubi satis diu disputatum, colligit suffragia, interrogans ordine, à dextris incipiens.

In quatuor Classes sese dividunt, ut munia sic vicissim facilius subeant. quatuor classem faciunt. duæ domus sunt, exterior & interior.

Pur-